



Broj: T18 o KTPO 0012912 21
Brčko, 16.12.2021. godine

OPTUŽNICU

Protiv:

1. **ESEDA MUSIĆA** ... rođen ... 1969. godine u Brčkom [...]
2. **MEHE MUSIĆA** ... rođen ... 1946. godine u Ograđenovcu [...]

Što su:

U periodu od 2013. do 2014. godine, na području Brčko distrikta BiH, Esed Musić kao direktor preduzeća „Voćar“ d.o.o. Gornji Rahić, Brčko distrikt BiH, a Meho Musić kao faktički odgovorno lice u tom preduzeću, znajući da saglasno Statutu, Pravilniku o unutrašnjoj organizaciji i sistematizaciji radnih mjesta i Pravilniku o radu „Voćar“ d.o.o. Gornji Rahić, kao odgovorna lica u preduzeću nemaju pravo samostalno određivati načine naknade štete koja može nastupiti za preduzeće, kao i iznose novčanih kazni za zaposlenike preduzeća, postupajući suprotno članu 68. Zakona o radu Brčko distrikta BiH („Službeni glasnik Brčko distrikta BiH“ broj 19/06, 19/07, 25/08, 20/13 i 31/14), prekoračili granice svojih ovlaštenja i teže povrijedili prava radnika „Voćar“ d.o.o. Gornji Rahić K. H, Z. H, O. M, A. M, H. T. i A. S, tako što su:

- nakon što je radnicima preduzeća K. H, A. M, H. T. i A. S, zaposlenim na radnom mjestu vozača, dostavljena Naredba za vozače motornih vozila preduzeća „Voćar“ d.o.o. od 04.02.2013. godine, kojom je propisano da će u slučaju da je putni nalog neispravno popunjen ili je nepotpun i da ako ne posjeduju 29 tahograf traka, biti kažnjeni novčanom kaznom od po 600,00 KM na način da će im se od plate umanjivati iznos od po 200,00 KM do konačne isplate, te da je svaki vozač koji nije na putu dužan da radi u proizvodnji;
- nakon što je radnicima preduzeća Z. H. i O. M., zaposlenim na radnom mjestu skladištara, dostavljena Naredba za radnike-skladištare preduzeća „Voćar“ d.o.o. od 12.02.2013. godine, kojom je propisano će u slučaju nepostupanja po uputstvima o skladištenju robe i načinu sortiranja proizvoda biti novčano kažnjeni u iznosu od po 300,00 KM;
- nakon što je radniku preduzeća K. H. dostavljena Obavijest za vozače i skladištare preduzeća „Voćar“ d.o.o. od 16.10.2013. godine, kojom je propisano da će u slučaju da neki od proizvoda fali, na sebe zadužiti 10 puta veću cijenu nego što sam proizvod košta i da će u slučaju nepridržavanja ovog i ostalih uputstava iz naredbe biti kažnjen novčanom kaznom u iznosu od 500,00 KM, na način da će mu se od plate umanjivati iznos od po 100,00 KM do konačne isplate, kao i da u slučaju nevraćene obične palete mora nadoknaditi iznos od 20,00 KM, a u slučaju nevraćene euro palete mora nadoknaditi iznos od 50,00 KM;
- nakon što je radnicima preduzeća K. H, A. M. i H. T. dostavljena Obavijest za vozače i skladištare preduzeća „Voćar“ d.o.o. od 17.01.2014. godine, kojom je propisano da će ih prilikom nevraćene, nerazdužene i otuđene robe, zatim dijelova oruđa, alata, goriva, paleta i drugih materijalnih sredstava u vlasništvu preduzeća, obavezati na naknadu štete koja iznosi 10 puta više nego što vrijedi svaki otuđeni komad, kilogram, litar, alat ili paleta, zatim da ako dođe do veće potrošnje goriva nego što je ustanovljeno, vozač će za svaku veću potrošenu ili otuđenu litru platiti 10 puta više, a što će se

primjenjivati i u slučaju nevraćene i nerazdužene palete, poslate i nepredate gratis robe kupcima i nevraćene i nerazdužene robe vraćene od kupaca, kao i da će se u slučaju nedostatka ustanovljenog kod prijema skladištara i poslovođe računati 10 puta više;

- nakon što je radnicima preduzeća K. H, A. M. i H. T. dostavljena Naredba zaposlenicima/vozačima preduzeća „Voćar“ d.o.o. od 18.02.2014. godine, kojom je propisano da će ukoliko propuste evidentirati vrijednost i količinu robe predate komercijalistima i da ako komercijalista ne potpiše da je preuzeo robu, biti odgovorni u cijelosti i da će vrijednost predate, a neevidentirane robe, izmiriti u roku koji odredi direktor preduzeća, prijeteci otkazom ugovora o radu, primoravali K. H, Z. H, O. M, H. T. i A. S. da obavljaju poslove koji nisu u opisu njihovih radnih dužnosti, te bez prethodno sprovedenog postupka utvrđivanja teže povrede radnih dužnosti, u više navrata kažnjavali navedene radnike, kao i radnika A. M, tako što su ih primoravali da postupaju po naredbama i obavještenjima izdatim u periodu od 04.02.2013. do 18.02.2014. godine i u slučaju nepostupanja po tim aktima odbijali im iznose od plate, naknade za prekovremeni rad ili dnevnice za službeno putovanje, na način propisan tim naredbama i obavještenjima, čime su teže povrijedili pravo na pravične i povoljne uslove rada radnika K. H, Z. H, O. M, A. M, H. T. i A. S, garantovano članom 23. Opšte deklaracije o pravima čovjeka,

dakle, kao odgovorna lica u Brčko distriktu BiH, prekoračivši granice svog službenog ovlaštenja, teže povrijedili prava drugih,

čime je svaki od osumnjičenih učinio krivično djelo Zloupotreba položaja ili ovlaštenja iz člana 377. stav 1. Krivičnog zakona Brčko distrikta BiH.

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
